

皇朝經世文新編

函一
十二冊

皇朝經世文新編卷十下目錄

商政

論製造貨况

海關出入貨類徵畧

海關出入貨價徵畧

論中國商務

中國商埠情形記

烟臺英領事中國各口商務報

中國通商各口二十一年分商務情形

上海商務情形

擬粵東商務公司所宜行各事

福州商務

山西商務總局集股章程

請創辦銀行章程

續擬銀行條陳

中國銀行章程

咨商銀行事宜全稿

論上海煤礦廠

中國紡織煤礦情形記

微屬茶務條陳

論中國茶務

論中國茶葉之衰應如何設法補救

英人 闕名 附

薛福成

薛福成

英人 闕名 附

布李彝

英人 白勒能 附

英人 特甫

英人 韓能 附

徐勤

闕名

容闕

容闕

容闕

總署與鐵路公司

法人 闕名 附

英人 佑尼 附

何潤生

英人 闕名 附

英人 闕名 附

臺灣鹽務考

中國在韓貿易情形表

論歐美商務全局

法國商務近情

論英國商務漸衰

論日本商務未能爭英國之利

德國公司總數考

論整頓半畝

日人關名附

法人洛思求

日人關名附

英人關名附

日人關名附

日人關名附

商政

論製造貨稅

英人關名附

順德麥仲華曼宣輯

日本與中國所訂通商條約內未載製成貨物應還稅則是將馬關約內最緊要一層拱手讓人大固不待智者知之也日商之擬在上海設廠者尚未舉辦將來開辦或與在本國所有紗廠未必順利日本若果因此未訂此項餉稅則日本之讓中國也為中國利益起見少而為本國利益起見多矣再日本或欲將現在上海已有之紗廠為重稅所困使日本所有之棉紗仍得在中國求銷獲利未可知也緣日本所製之貨供自用外尚有盈餘至欲在中國覓一銷路耳中國利心素重若果如割生金蛋之鵝西國古時有某甲銀一鵝日生一金蛋而鄰其生太遲因割其心以辦法則日本之退讓似又盡為本國利益起見也而此事與上海新設紗廠關係非淺商務公所早已鑒於此上書駐京英公使書中所述情形係兩書上沙殊可欽佩而公所為尤不僅此也書信之外公所副長復赴京師以便各國公使與總署議論此事時或有所採訪之處副長即可上達細情以補書信之不足也中國又素稱淺見加之現在國庫支絀此事若任其自然必勒抑上海所有之紗廠並及其所出之貨物使該貨物無論至何處非重稅不可此固事之無可疑者也然則若此事也豈非現在重訂稅則應及之一端乎蓋當今所議情形即將求稅則之根本耳上海開設紗廠股東咸以新創此業或與中國將來永有裨益應得邀政府鼓勵之惠公所亦深以此說為然而廠家所請太旨無非欲使中國待之如待開闢本地之人無分厚薄所有他貨能與之爭利者應訂稅則亦須彼此一律不得有所輕重茲將上海商務公所所請五款開列於左一本地棉貨准免釐金落地等稅凡棉花由外國口岸運來者僅納由蘭雪脫稅即內地運送半稅二新議稅則若訂按價值百抽十則外國來貨應還之愛克薩依斯稅即鋪建內地運送稅亦在內不得比此再重三凡貨已還此愛克薩依斯稅者應免各出口稅所有已還稅之貨物運至中國不論何處應免各項稅餉四進口棉花應免納稅若須納稅應由將來製造貨物後應還之稅內照數扣除五本地紗廠政府准其所享利益不得比准外國紗廠較優以上所請各款固無不近情理處而於商議之時我知其必大費口舌也蓋李傅相等欲使華人獨擅其利匪伊朝夕而終必知其所扶持者決不能照辦也中國現在正擬重訂稅則欲議此事斯其時矣

海關出入貨類敘畧

光緒十八年進口洋藥價銀二千七百四十一萬餘兩洋布羽絨棉紗線價銀五千二百七十萬餘兩呢羽絨氈價銀四百七十九萬餘兩鋼鐵銅鉛錫價銀七百十三萬餘兩米價銀五百八十二萬餘兩煤油價銀五百零四萬餘兩海貨價銀五百二十萬餘兩煤價銀二百餘萬兩自來火價銀一百四十二萬餘兩其餘雜貨價銀各數十百萬兩不等都洋貨價銀一萬三千五百十萬餘兩而紗布呢羽等幾居進口貨價之半洋藥亦幾居四分之一為中國計宜設方略漸杜洋藥來源而勸導商民仿洋法織布紡紗尤為第一要義其次開礦其次鍊鐵其次紡織呢羽氈絨其次仿造自來火及製煉煤油風氣既開而致富之能事盡此矣出口絲綢價銀三千零三十四萬餘兩銅鐵價銀七百九十六萬餘兩茶價銀二千五百九十八萬餘兩棉花價銀五百零八萬餘兩草帽綬價銀二百零五萬餘兩糖價銀二百零七萬餘兩紙價銀一百五十七萬餘兩席價銀一百二十九萬餘兩豆價銀竹價銀各一百十八萬餘兩瓷器器價銀一百零八萬餘兩其餘雜貨價銀各數十百萬兩不罕都土貨價銀一萬零二百五十八萬餘兩絲茶兩項為大宗幾占土貨價十分之六如欲整頓土貨仍須注力絲茶庶能握其綱領其餘如棉糖紙席草帽綬等物苟能隨事講求隨時整理亦有大益此外土貨俟鐵路開通必有於無意中暢銷如草帽綬之類者矣竊查光緒元二年間出入口貨約略足以相抵今以出貨與入貨相比較中國虧銀至三千二百五十餘萬兩之多何哉近兩年中洋布洋紗進口之價逾於元二年間之價約三千數百萬兩則中國虧銀皆紗布暢銷為之也從此中國織婦機女束手飢寒者當不下數千萬人豈細故哉而謂導民織布紡紗尚可緩乎哉抑余又聞紡紗之效逾於織布日本通國經營已獲厚利即華民自織之布亦樂購用洋紗以其價廉質良而易售也故華商偶設一二紡紗之廠亦無不獲利者然則有提倡之責者盍勸商民購機設廠先仿洋法紡紗以漸漸及織布乎

海關出入貨價敘略

薛福成

是年貨由英國運到者值銀二千八百八十七萬餘兩香港運到者值銀六千九百八十一萬餘兩印度運到者值銀一千三百八十六萬餘兩新加坡運到者值銀一百九十一萬餘兩澳大利亞大浪山加那大運到者值銀一百零一萬餘兩以上英國及其屬地來貨都值銀一萬一千五百四十八萬餘兩由中國運之英國之香港之印度之新嘉坡之澳大利亞大浪山加那大者都值銀五千五百七十八萬餘兩出入相較中國虧銀五千九百七十萬兩貨由美國運到者值銀六百零六萬餘兩由中國運至美國者值銀一千零七十八萬餘兩出入相較中國贏銀四百七十二萬餘兩貨由歐洲諸國運到者值銀五百十二萬餘兩由中國運之歐洲諸國者值銀一千七百十六萬餘兩出入相較中國贏銀一千一百零四萬餘兩貨由俄國運

到者值銀五十五萬餘兩由中國運之俄國者值銀七百零四萬餘兩出入相較中國贏銀六百四十九萬餘兩貨由日本運到者值銀六百七十萬餘兩由中國運之日本者值銀八百五十萬兩出入相較中國贏銀二百三十五萬餘兩貨由澳門運到者值銀三百十七萬餘兩由中國運之澳門者值銀一百六十八萬餘兩出入相較中國虧銀一百五十萬餘兩貨由小呂宋越南暹羅爪哇埃及五國運到者值銀三十一萬餘兩由中國運之五國者值銀一百八十六萬餘兩出入相較中國贏銀一百五十五萬餘兩而觀之中國之銀耗於英國及英屬地者甚鉅而稍取盈於通商諸國誠難者多而盈者寡勢尚不足相補故一歲中虧銀至三千二百五十餘萬兩之多華茶銷於英者年少一年銷於俄者年多一年俄之用茶雖未能逮昔日之英然華茶不至壅滯者以俄人為之運用也中國之貨稍稍暢銷於日本則以日本紛紛驟感不能不用中國之棉花蓋中國與日本互分其利云今日論時務者或謂英人耗盡中國頗欲聯俄以損英此與兒童之見無異夫民所以樂購此貨者皆為衣食日用所必需而又實良價廉之故當其不用雖君父不得而勸之於遠人乎何愛當其必用雖君父不得而禁之於遠人乎何尤即如日本二十年來專精奮力研求工商之術遂能仿造洋貨及華貨實良價廉幾掩其上英人非但不慕效之且極口稱道之中國樂用其貨者比比是矣中國地博物阜人工甚廉數倍日本誠知病英人之耗盡乎則有日本之成法在又何必出為不能行之下策哉或謂中國雖虧銀三千二百五十萬兩然各關所收釐稅既得二千二百六十餘萬兩如以洋商自募牙館凡進口七釐出口八釐用費共有一千數百萬兩皆入華人之手以彼挾此中國尚贏數十萬兩是中國之銀未嘗錙銖漏入外洋也斯又不然故光緒元年出入貨相準華商尚贏百餘萬兩若以關稅用費合計之是中國且多贏二千餘萬金矣當是歲贏二千萬金中國且日見貧耗况如今日之勢乎是不能不亟為之計者牧民之政也保邦之本也為上之責也

論中國商務

英人關名付

中外通商以來中國出入之商務以去年為最盛前年進口與出口貨相抵共值銀三百一十五兆兩去年增至三百三十三兆六億兩進口與出口二者均有起色入口貨稅較前年增多一百五十萬兩中東戰後振作情形於此可見焉關所訂之為限中國多開數商埠於內地即蘇州江蘇杭州浙江湖北等去年十月一號各處已設關征稅但商務初辦未能興盛故開關三月新關并征貨稅銀不過六千一百八十兩中國洋關掌記者給士畫君去年所出之清單謂歷年總結之數中國商務大有興盛情形每年入口貨未有如去年之多者出口貨雖不及一十八百九十五年之多實因割去臺灣所致蓋前年出口貨單內有六月並臺灣而算也雖然有臺灣之失而出口貨並計從未若去年所增之盛自戰後暫定以來各行生意頗思奮

發棉紗一項進口最多但市上棉紗忽繁充斥特以日力始能流通故可逆料今年進口貨有大減之機矣凡銀價錢則出口之貨益今土產貨價其貴已甚蓋因銅錢不足用故銀價貴銀價既貴故貨價亦不得不貴也查錢之所以短少不足用者因近數十年間各省錢局停鑄於是奸民私鑄薄銅錢官制之大錢反被民間暗收私鑄近年嚴禁私鑄故銅錢不足用實於貿易有損進口貨與前年相較則去年增值銀三十兆餘兩棉布一項所增者居十五兆餘兩印度與日本棉紗所增者又居十一兆餘兩其餘之數乃羊毛鋼鐵火水油及雜貨所增也再查進口貨清單則見洋烟一項減少二千五百九十五擔此數非因臺灣而減乃舉國亦減少凡販運洋烟者皆不遵意歲紗更甚蓋印度飢荒銀價忽落昔日上海銀每百兩能抵印銀二百六十四盧卑至是時祇值印銀二百二十二故洋烟本重而難銷且土烟日盛每年占奪印度洋烟約一萬一千八百擔蓋八百八十七年洋烟進口有三萬四千八百擔去年祇得二萬三千擔濱角洋烟近十年亦減少三千七百擔雖去年以前年多銷白呢二千擔而運販者仍失利歲首白呢每箱價銀將及六百兩至歲杪價低至五百兩以下冬季之銀價雖落未索能使烟價漲起反令其低實出人意外至於入口之棉布足頭甚盛但販賣零沽者亦難獲利下半年之時價驟落無常因市上積貨過多據商務局報稱上海一埠歲杪共存洋布四百萬疋比上一年多存一百二十萬疋以常而論凡銀價略起之時運貨入口者必乘勢多購通行之貨如原色洋布與白色洋布之類去年正月足頭貨價頗佳每兩本銀可獲利二錢但惜其價不能久留下半年竟至大減因年首獲利厚各家爭相尋貨至中年各口岸貨物堆積美國有詩多布疋茲人急於代賣者因價值大落不容不退也英國米布所以過額者因前年存貨少且預料牛庄亂後必旺各款花布有連無退故亦如他貨多積之耳惟面中汗中銷場甚廣去年入口者共一百一十二萬五千打臣上海占一百萬打臣有奇印度棉紗一千八百八十九年入口者有六十二萬八千擔去年增至一百四十六萬一千擔去年比前年亦增多四十萬擔又日本棉紗十年內亦由一萬九千擔增至十萬擔倘華商能自製棉紗其利必溥矣獨羊毛貨一項不甚增多然有數種毛貨漸漸暢銷意國之絨尤甚故前年意絨入口六萬三千疋去年增至十六萬一千疋因此去年入口毛貨之值比上一年增多一百六十四萬兩各種金類商市亦興尤以鐵與銅為最比前年加倍進口外國雜貨暢銷者為洋燭呂宋烟烟仔鐘錄染料麵粉玻璃屨非烟糖針火水油洋皂以上皆泰西土產又煤炭生棉花高麗參火柴蘇木糖以上皆亞洲土產麵粉一物廣州銷三分之一去年出口貨與前年比較減值十二兆兩稅項亦少五萬七千兩所以少者一因臺灣次因茶絲棉花各土產減少棉花價高且供本地之用故阻滯其運銷於日本查此貨銷於日本者前年有八十九萬六千擔去年減至四十一萬八千擔黃白二種絲出口

減少二萬二千六百二十五擔即此一項值銀不下六百二十萬兩蠶繭又由二萬四千擔減至一萬七千八百四十五擔較少六千二百一十五擔價值二十二萬四千兩綢緞足頭又少二千二百四十一擔價值一百七十七萬七千兩通中國茶務減少不獨因臺灣而然也去年紅茶減少二十一萬一千五百擔綠茶又減少二萬七千二百擔運往俄國各式茶增多四百二十担紅茶增多八萬五千五百擔行商皆獲利惟販於英國者利微耳販於美國者亦獲利福州新設茶務公司用機器製茶中國茶務或可復興將來各種茶者能踵其法亦未可定即如綠務已有多處附近口岸者因綠務失利亦以機器補救之中國之茶難與於英國惟佳茶或銷於別處紅茶亦被印度所奪若印度能常如此興旺誠為中國茶務之敵惟印度亦有減少之勢且復有飢荒疫癘之災也又中國生絲出口減少二萬二千二百餘擔查九十五年至九十六年諸國產絲極盛中東二國為最絲之銷場亦廣養蠶之人當正月即可發賣其絲可獲重利不識時事者高其價以居身我英商見東方產絲之盛知價必落故不多買而且美換總統稅則必變商人皆恐絲稅驟減上海與日本兩處曾設機器攪絲紛紛專以供應美國亦受累匪輕現各國存絲愈多意大利國蠶亦極佳蠶繭價平廣州產絲又盛廣州與意大利攪絲之家皆願平沽惟內地之蠶不佳慣於壟斷之人率皆購之凡可用之蠶繭志在轉賣與用火力之機廠以圖大利逆料機廠勢不能不買也不知機廠因美國不銷故亦不銷蠶繭之人因而失計存蠶繭亦極多至今如欲出售非折半不能若非壟斷則已製成發賣矣華商平時喜行此法蓄貨待價其意常中蓋西商一聞蠶造豐盛速將其貨盡賣不知華絲已盡被華商把持迫得任憑華商居奇去年至今絲務平淡今年所產又大減因有許多蠶繭未攪也北方各廠將來若無美國買之則必存至五六千綑矣通商埠頭黃絲甚少一因山東蠶不佳一因湖北四川錢價貴故阻滯其出口也各埠野絲亦大減蓋湖州各地因中東之役樹木受累絲皮碎價亦大貴比意法之絲皮價更高為此業者最失利今年曾略有蠶繭運往意國凡壯繭皆被日人收去輕弱者日人不取總之中國絲務生意減少者一因蠶病絲少一因我國不銷一因美換稅則一因華商壟斷太過數端而已

中國商埠情形記

布李鼎 附

中國與外洋通商之口岸雖有一十八處但自歐美印度各方運來中國之貨必先經香港與上海而後分達各處口岸若福州廈門汕頭廣州海口北海六處之洋貨則由香港運往揚子江上六處並北方三處之洋貨則由上海運往蓋英商行店均設於香港上海販來各國貨物而轉售於華商也至其餘各口岸雖有洋商而漸減矣十八口岸之地有英商貿易其間者祇十二處而十二處之中英人喜運貨進口而轉賣者僅存三四處若略小之商埠洋商反不如華商之盛蓋華商費用甚輕故

販賣洋貨其本亦輕而賣價亦較廉也且華商能知行情市價又能與內地客商交易凡此皆洋商所短所以洋商販運洋
來華者祇能銷售於香港上海其餘皆歸華商之手而賣之也洋商但得脫離其貨於香港或上海以後即無顧慮是以洋商
亦甚願華商獲利蓋銷貨愈多而利愈廣也但洋商斷不肯自勞以保護華商而推廣其利蓋貨已出手即非已物後在途中
如何阻滯英商無暇顧及也上海入口之貨今亦變局雖不盡如各口岸欲華商日增而洋商日減固華商自能辦來外國之
貨而銷之惟其購買之法仍經上海西人代理與華人立約由外國買華貨價銀並貨到之期皆一一訂明近來英美兩國運
來之布疋由華商先定者過半貨既抵埠待貨價交清則代理人之事畢矣華商定貨之後或贏或虧不能反悔昔華商與代
理人交易先交銀而後定貨惟近來銀價漲落不及往時之甚故華商寧願先交貨價一半待貨到而後交清但價銀若忽漲
忽落則其險亦甚鉅英國蘭加西亞運來上海之貨華商先定買者居其半餘惟三四家洋行自辦羊毛棉布之外其餘各貨
高居上海進口貨百分之七十五幾盡為華商所定寄也因此之故中外通商之約有不奉行者華商更為着急但華商勢力
孤微不若英人一呼而百應故欲推廣商務必須如洋商倚其本國之助而後可若欲華商自行整頓殊無可望蓋華商實無
自行整頓之權也華商自販之洋貨自某處而運至某關納稅幾何不敢查問誠恐激怒長官反傷其利又華商無論作何事
若自失其利雖有益於天下亦不為也若在通商埠上華商與洋商所享之利均同若運貨入內地華商反不如洋商之便宜
因內地釐卡不若洋關之公道一切商務任從釐卡之橫行但普通商之約英商既完納稅餉即可任至何所而賣其貨其稅
祇是每百抽五為入口稅再加抽百分之二五為入內地稅即可通行各處華商從未享受如此便宜之稅則也由是可見華
商所納之稅實比英商所該納之稅大異即此一端足見西人散沽其貨於內地較華商便宜依通商條約而論洋商入內地
稅則厚屬一例不論貨主為誰何中朝亦曾明明相許惟相許於華民與相許於西人者事雖同而行之實不同蓋華民有屈
不敢求伸蓋自忍耐不敢觸犯官威洋人則無此畏心其身家物業安穩無虞設有所損壞即可告訴領事官而取償於中朝
然則何以洋人不自運貨入內地開銷售之其故有三內地零星每處銷貨無多洋人為之嫌其利寡一也本少之人又不能
為內地未通西人不使走動自行販賣利必難獲二也又洋人各存心相戒以為本國領事官未必能實力保護萬一有事先
自受虧三也有此三故英商除所習慣之外不肯妄進一步也現在英商留足於華人商埠實屬寥寥聞者驚駭上海一埠
大英英商行店不過八十其他各埠則在牛庄者有三天津有九烟台有二重慶有一漢口有十二九江有二鎮江有四福州
廈門廣州各有六汕頭有二餘埠無存矣且就此各行店多是經紀之人若舍茶商而不計則所餘者更寡然我國所賴而振

興商務者皆此數家也中國為我國之買客須有銀始能交易有人細核歲計政要而知中國已盡其力量而買洋商若以事理細究則中國能多出貨於外而後能多進貨於內故通商於中國而欲暢旺須中國多賣其物而易我之貨但此事亦必藉我英人為之助不然有來無往安望其不竭也近因銀賤而金貴故中國之貨往日不可出口獲利者今則獲利甚多光緒十六年洋關清單所列出口通商之貨五十種值銀七十六兆三千三百九十九兩其雜貨值銀一百五十四萬四千兩至光緒二十一年此五十種貨出口者值銀一百二十九兆三千五百五十五兩而雜貨其值銀十三兆九千三百八十八兩華產之貨一經銷售出外華人必再產之但須洋人自擇何貨為上華人始知趨避也中國出口運往歐美二洲之貨不同進口之商務蓋進口之商務漸有轉歸華人自販自賣之勢而出口之商務仍是西人為之甚少華商自辦土貨出洋而銷於外國其辦土貨出洋者仍歸華人買用也近來每有西人勸華商自辦貨出洋發賣於西國之市場華人不敏如此誠恐不諳西國之行情也然近日亦有略變計之形往者出口之貨皆藉中國各大洋行販之出外今則有數家小洋行接外國付來貨單而購之此因電線與銀行之便捷故作經紀代人買賣者生意者可以不需本錢於是中國出口之商務亦漸變經紀為經紀者誠知在通商口岸擇買價廉之貨得其折扣之利即發出外華民自內地運貨來華如何受勒與彼無關也要之中國如抽釐金以至華商裹足不前者實阻碍英人之商務華人不能免之須英人助其免之又釐金阻滯出口貨者亦是阻礙英人之商務蓋有來無往非長策也華人亦不能自免其阻礙亦須英人助之也中國持設釐金以阻洋貨其志在陰自洋人其實自害其民自害其國西商坐視華民受害而不救實自己陰受虧損而不覺也欲振興中英之商務我英人宜在此設想奚必他求哉

煙臺英領事中國各口商務報

駐劄煙臺英領事白勒能君於中國各口岸商務情形博訪周諮訂極為詳備西歷去年十月十五日具報外郊現將戶部於外部者印成一冊都為七十頁後附中國草圖一幅售價祇五本士其冊首有隨明目錄分為五則一目前情形二內地轉運商貨三商情四日中戰後關係五振興商務之道本館限於篇幅不能一一照刊欲見全報者可以購置一冊本報祇能擇要摘錄以供眾覽白勒能君初以為英商必時有請於領事之事而殊不然推原其故由於商務不旺商人皆按部就班無所仰資於領事且華商亦漸漸分我利權外人將有難容之勢三十年前英國鉅公黑孟者謂外部於中國之事過於疎忽五十年後英國在華商務必衰前我在埃及勒房江商務之淪湮可為殷鑒白勒能君以為黑公有先見之明所以稍有不同者白勒能君之意謂商務就衰非盡屬國家之故蓋中國自通商以來各國商人庸至爭競開勝利之所在必為善賈者攘去我惟

袖手聽之而已近來英商往往為華人作設符蓋華商動為華官所魚肉不得已而冒洋商之名藉以自免

白勒能君遂論中國目前商務情形其論釐金曰租界之中照例不抽釐金然一轉移間即不免於此所抽之數貨各不同的而實之值百抽二故雖在通商口岸洋貨照例祇須納進口稅值百之五而欲零賣則非納值百之七不可洋貨之進中國口者其實惟二口岸而已南之香港北之上海此外口岸所需洋貨皆由華商至香港上海購辦視洋商運往較為合算洋商於已經售出之貨不甚關心而華商則惟有聽其貪得無厭之官吏需索莫敢與抗是以雖違背條約而無過問之人華民之於華官即受委屈亦祇有藉口結舌學寒蟬之聲否則禍將立至耳

又曰所有進口貨大半銷與華人布疋一項有百分之五十分其餘各貨百分之七十五分雖違背條約一再征斂而洋人不過問者是又一故也納正稅值百之五內地半稅值百之二五而洋商貨物可以通行無阻是則視華人運貨往內地者較為便宜然內地貨物不僅仰給於洋商而仍由華商報轉運銷者何歟其故有三一華商見洋商之奪其利也必羣起而與之相持洋商之資本充足者不多勢不能敵華商之眾二洋商不能見機而作乘華商尚未聚眾之前先發制人三洋商即欲與華商力持而慮為難之時其公使領事不肯出力聽其吃虧不一援手有此三故而各口英商氣餒膽怯無有敢振臂一呼者但兢兢小心守其固有而已矣夫商人不同教士不能堅忍委曲百折不回蓋商人所求者利耳與其耗財費力而爭以復之權利不若專心宣志以博目下之多金

論至此白勒能君復開列在華英商行棧以見其少在上海者僅八十戶在各口者共五十三戶又謂進口貨與出口貨相倚進口多則出口亦多惟以銀賤之故近來出口視進口為踴躍貨物之出口者皆由洋商所辦而洋商亦非擁有鉅資之人大都為人經手得一經手之費故他事不問祇知在通商口岸照辦苟係己之資本而所省於稅者皆入己之私囊索則我知其必殫精竭慮以爭條約之權利務使中國所征之稅低至無可低而後已非然者雖有違背條約之處彼固漠然不動於中也白勒能君商務報之第二則條論內地轉運商貨情形深中肯綮謂按照條約洋貨進口後輸納半稅即可通行中國免零星征納之煩土貨之自內地而至通商口岸者亦可援照一律辦理所以有此一條者在英官視之以為為振興商務起見使洋貨可運達內地土貨可購諸產區無轉輸之屨費而在華官視之則此條為護我之利益華商貨物不與也且大洋商在通商口岸所納之半稅乃解部之款而歸公即有截留歸者亦必係指撥某項之專款外吏無可無解以還其私肥中飽之伎倆是則輸納半稅於國家則有益於外省則有損此所以省吏必竭力阻撓以使半稅之法不行也或輕其釐捐以招徠使費

販運於來或假其權勢以凌壓凡商量莫不遷延其最長之使條遇有已納半稅之貨聽其來往不查俟其到時跟蹤而至勒令納所請落地捐者值百之三雖已輸稅半稅彼不顧也

駐劄廣東領事呈報北京公使曰納半稅而運貨內地者幾已開絕無聞蓋國內地華商不敢收買半稅洋貨之故

倘因國用支絀不得不多方籌款則違背條約征徵頻煩情猶可原而所收之數解部者不到十分之三於國用何益徒以肥飽各省官吏耳然叩其官吏之廉俸多少則須用顯微鏡始能見也粵省有定例三條一華人自己之洋貨可納半稅二洋人

自己之洋貨可納半稅三洋人之貨已經售與華人者不能再納半稅粵省官吏於半稅一事實深惡而痛疾之故華人則不敢請納半稅洋人雖納半稅而貨到後仍有落地捐之征稽計之視完納釐捐之數更多土貨之自內地而運至通商口岸者

亦甚蓋欲納半稅於未運之前就地先有征徵故半稅之例不行是阻撓半稅者以粵省為尤甚倘洋商欲在內地辦貨取其

所辦之貨未經重疊征徵而成本較輕則華官必處處掣肘使其難而後已

各口給發半稅執照不能一律雖烟臺條約載有一定辦法而未能見諸施行中國理財之法不便則此事終難一律所幸者

使機已兆或可拭目俟之歟

論在華商情白勒能君謂在華英商類皆按部就班守其條約已有之權利無開拓之意余曾邀集眾商問我國在華商務究竟應如何整頓請各抒所見而所言皆不甚愜余之意夫中國商務之尚河大為擴充固不待智者始知而英商知之尤踰及叩其擴充之道何在則又無起而代為畫一策者蓋洋人欲辦之事中國動輒掣肘使其銳進勇往之氣銷磨殆盡故指口結舌袖手旁觀惟歸咎中國之墨守舊法不知自開利源而已

各口商務有各口之病香港所病者一為粵吏阻撓半稅洋貨一為中國船隻納稅輕於輪船一為中國不肯在西江開埠半稅之例不能暢行前已詳論之矣華船之稅輕於輪船尚無損於英商惟輪船公司吃虧耳西江則現始開埠而華人尚多方設法以阻撓之南甯百色之間如宜昌之於重慶宜用華船蓋輪船祇能至南甯而止廈門福州所病者茶稅太重約值百而抽五十福州城作為租界以外之地亦屬非是

上海中國會云除公使駐劄北京外每省省城應派一員公使專備裁與省中大員辦理交涉之事該員即歸公使節制以中國督撫之權其大我國非派專員不可且駐京公使公事殷繁往往不暇兼顧商務自宜另派一商務大員專心考究振興英

國商務之道云云余謂每省派一專員無甚用處上海中國會之言曰各省督撫必體國愛民倘本省有未興之利必思所以

五

五

五

五

五

五

五

五

五

興之特苦於無人相助故因循不果我若派員以作其氣必有翻然改觀者且可勸其一變理財之法以富強其國今則謂中國會期望於各省督撫者過厚抑知各省督撫所最不善者在變理財之法法愈亂彼愈可舞弊官囊充足金恃乎此刑司與總領事條然兩事不宜責諸一人幸外部已覺其非不久將分而為之以專責任

倘准英商派華人進內地採辦貨物於英商不為無益至內地行輪則華輪勝於洋輪蓋洋輪阻難處甚多也中國宜整頓圓法鼓鑄錢幣使通國畫一否則平色繁多不勝其弊惟錢幣畫一而官失其利矣食鹽一項中國國家獨擅其利倘准洋鹽進口值百稅百鹽課可加一倍而鹽價可減一半也

白勒能君謂中日之役中國商務並未因之減色惟牛莊一口為日人所侵踞至一千八百九十五年底日人始退此外各口商務仍如未開釁端以前蓋查一千八百九十四年及九十五年海關報冊其進出口貨物與價值視前不相上下其求所以然之故殆大半得力於駐劄上海總領事韓能君韓君力持揚子江與上海為局外之地不能攻擊至於中國大局則雖一敗墮地劍鉅痛深而萎靡不振如故不出我之所料

馬關約成而英國在臺灣商務一變蓋臺灣既屬日本英貨須納稅較多所幸者商務從此可望擴充耳臺灣茶葉此後必先運至日本然後再轉運出口此則於我國在廈門茶商大為有損也中國籌賠日本兵費恐於我商務頗有關係蓋洋債悉以關稅抵償而關稅所缺者則勢必於內地各稅設法以彌補之查內地抽稅約徵百而中飽七十歸公者祇百分之三十分耳故商人所納之數視歸公者幾至三倍之多此次因彌補關稅之缺而中外商人皆須吃虧違背條約之微鉅當於此愈甚新開口岸像重慶沙市蘇州杭州四處重慶則非用輪船不能興旺沙市則洋貨無甚銷路但上下輪船在此裝卸貨物轉運他處而已蘇州去上海太近所有商務皆萃於上海蘇州不能甚興杭州開埠後不過為上洋貨經過之處蓋浙江內地土貨之出口及洋貨之入浙江內地者必先到杭州再行轉運如福州之綠茶此後必改由杭州而至上海不由寧波矣然則蘇杭開埠將商務稍有移動耳提彼注此初無如多也出口之繭亦未必因蘇杭開埠而遂有所增每開新埠中國國家必謂此係讓與洋人之利益而孰知所利於華人者不遜洋人無論其他即有稅則有定關吏無私兩層已大有益於華商矣說者謂金貴銀賤凡用銀之國必大興製造即如中國前以若干銀購若干貨今日猶是也貨價既未甚漲落工費亦無甚驟而用金之國則貨價與金價日見昂貴宜乎用銀之國大興製造也是說也猶未盡然蓋中國雖號稱用銀而實則銅之流通遠過於銀農工不問銀價與錢價若何彼非銅錢不收誠以日用所需用錢居多於是而工價貨價皆須以錢為準矣故中

外貿易以金銅兩品之上下為尤要關鍵現在以銀一兩祇兌錢一千二百文前者可兌一千五百之多然銀價雖跌而工價則如故前者作工一日需錢若干今日仍需錢若干也查上海一口紡織成行惟究竟能否與並也斯脫英國著名爭勝則須視銀銅之漲落耳

白勒能君謂欲興中國商務必先富中國之民欲富中國之民必先開濬利源然以中國之政法而求其利源之暢旺是猶却步而求前也

中國民間之窮困至今日而可謂極矣良由肉食之徒祇知自充其慾奢視閭閻之疾苦如越人之視秦人肥瘠漠然而不動於中其尤甚者設計蝕削惟恐不盡如是而民有不貧者乎

我西人亦有受損於華官之事然為息爭起見苟能忍受則亦忍受之矣

有時我西人與華官有所爭論請公使向中國政府理說中國政府無不袒護華官即使政府允為辦理行文督撫而各省督撫大都若罔聞或謂政府行文各省時往往另附私函暗囑各督撫毋以為意其所以行文各省祇以掩飾西人之耳目而息其忿爾

各國公使有事含總理衙門無可告語者而總理衙門無節制外省官吏之權設遇緊要之事惟有請旨周折若此殊可厭也中國度支日絀窘急萬狀乘此機會或可使中國變易征收釐金之法蓋使各國允中國加收關稅一倍則中國每年入款可增銀七百萬兩是中國之所欲也至內地釐金務令中國委西人辦理與海關同其所收之稅與所設之卡均須有一限制惟此事大不便於各省官吏故萬難應允然各省釐卡林立且派貪污之員主持其事終非商貨之利也即云有背約征收之弊可將已輸之款歸還然非有確實證據不可在中國必以中國人之所見為證據而華人畏官如虎發狠摘伏庸有望乎若夫加收關稅每年可增入款銀七百萬兩中國繁富數省之釐金為官吏所中飽亦有此數中國內地商務之不興職此故也蓋中國抽收釐金煩苛已甚鎮江釐局於凡經過之貨若交足值百抽十五之數則沿途所經釐卡皆可免捐鎮江之例如此而商民樂從可知零星輪船當猶不止於此也故遠道轉輸竟有貨未到埠而已須售貨以完釐金者矣

駐劄中國領事因須審判案件不暇顧及商務為今之計各國宜專派一員管理商務既有管理之人則不第於商人有益且公使亦可以諮訪一切其利便為何如乎

我西國與中國通商已久而缺憾尚多蓋中國之所有而西國之所需者與西國之所有而中國之所需者遠漏不少我西人

宜加意講求焉

中國內地商務我西人知之未盡研究而得其精惟傳教諸君是賴因渠等諳習內地情形也各通商口岸應仿照上海之法設立貨會陳設各種貨樣縱人觀覽則洋貨之名色品類華商可以洞然於中矣

各國製造廠應派人携所出各貨至中國內游歷或分送或賤售以廣招徠

中國通商各口二十一年分商務情形

英人特甫附

中國本年篇中書本年即一十八百九十五年商務情形駐北京英公使麥格鐸瑞稟報外部大臣沙列不雷侯所報或採各口領事論說或摘各海關冊記確中利弊頗費心思查天下最著名之英國船廠及工業場中與中國有交易者共計六家所派代辦之人余雖到任未幾常與接談遇事無不為其竭力圖之彼固精明強幹但非本國人均他國產也以英國字號而情他國人經理其弊特甫已於稟中述及矣再寄貨運價至英國各口與至外國各口者各不相同譬如貨物運至漢口德名至紐約至屋臺薩俄城者雖往往繞道倫敦比運至倫敦者運價轉賤各國頗佔便宜聞英人開設輪船公司所定運價亦復如是其有損於英國商務比之各國以貨物與我爭利關碍尤甚此特甫亦詳言之矣英使所述如此茲請將特甫所擬之稟照錄於左

中日構衅本年初兵事尚未已止人咸以為此與中國商務必大有碍抑知不然適相反也一千八百九十五年中國與各國互市貨價約值三百十五兆兩九十四年僅二百九十兆兩是本年轉多二十五兆兩尤可異者其所加之數較之九十四與九十三兩年相比所加數目尤多比之九十二年相去尤遠自不待言蓋本年中國進出總價每百分中加八分也英商生意本年亦有加無減各我與我爭利固有其事惟其所爭誠如上海領事所言僅在小件貨物如火柴洋針之類若大宗貨物英國猶執牛耳惟英商辦事拘泥不知通融遇有交易每候華人自來他商則往往赴華人處百端兜攬此則頗有出入者也英國商務之在中國者日前雖遠勝各國而交易之法若不速加整頓將來為各國所謀商務減色退落人後意中事也最難解者有英國至大字號派在中國代辦之人皆籍隸他國英國字號每借手於人他國字號均由其本國人自行經理僅此一端孰執輕固不待智者知之也

中國與各國互市貨價除英國外計值一百八兆兩其與英國進出貨價比之與各國貨價約可加倍英國與中國互市以香港一口最關緊要而香港實則不過轉運而已其出口至中國者皆由各國進口之貨物也其由中國進口至香港者皆仍由該港出口至英美印度南洋新金山及中國沿海各口此譬如驢繆由廣東出口至香港復由香港出口至法國即作為香港

出口貨物又煤油由白都進口至香港復由香港進口至汕頭即作爲香港進口貨物是以香港商務僅與中國互市貨價中之一小分也中國與英國上年進出貨價計二百四兆十一萬四千一百四十五兩與各國貨價計八十九兆六十三萬六千五百六十八兩本年與英國貨價二百十五兆三十一萬六千二百十八兩與各國一百八兆二萬九千九百九十六兩以上進口出貨價數目所有各國進口至中國由中國復出口至各國者並未和算查本年貨物之由中國復出口者計值價八兆二十五萬二百四十五兩上年計值價三兆五十四萬三千二百八十兩以復出口之貨價減中國與英國及各國進口口貨價即得進出口實數此即以下單中論及中日所訂馬關條約又中法西六月三日所訂條約與商務有何關係各情報中未將釐金照錄內地半稅執照辦法本極簡便無如華官故意爲難彼此爭執往返行文辯論經年者有之此照有數省尚能秉公辦理使洋商不失其中應得之利益其最能爲難者廣東官員也一千八百九十一年所發執照最多計一千九百四十六紙合貨價一兆七十五萬兩次年華官多方阻撓有請照者或治以罪或嚇以勢幾至無人敢請領照是年僅發四百九十二紙今年中間數月內地半稅執照竟廢而不用矣茲請縱言其弊洋商辦貨前赴內地其請有照者華官或不阻滯而此貨一經華商所購華官復從而抽釐任意勒索除弊者必曰凡貨物已請有照者不准華官再行抽釐詎知華官勒抑之法密而且多實非英國使臣所能週知其弊之難除如此惟照此辦去與中國利源最有關係華官若不悔悟另設新法籌款以供各省藩庫之用此弊終無已時

內地執照華官爲難固不僅在廣東已也茶葉在福州所運之內地各稅比請領執照而還半稅者其數尤多而本地茶商深恐華官阻滯由福州出口之茶不敢請照其餘各口本年發出執照數目加多惟上海一口照數大減有數口如汕頭如宜昌

釐金委員均以抽雜稅比僅納半稅利已尤多內地來貨請照者甚少

附論出口貨 中國出口貨除香港外以美國所銷最多本年銷十五兆二十五萬兩上下計十六兆二十五萬兩其運至英

國者不過十兆五十萬兩英國所銷貨價自一千八百八十五年至九十五年十年之中除九十二年外是年所銷尚不及本年數目獨少印度所辦貨價計二兆七十五萬兩上年二兆五十萬兩其餘英屬所銷數目無甚上下惟與大利亞一洲連

年減成而該洲本年所辦各國出口貨總盤合算比之前兩年實有過境其出口至俄國各屬者有加無減至歐洲者除英俄

外計二十一兆兩上年僅十九兆兩八十八年尚不及十三兆兩

茶 此項貨物以在英國所銷而言頗有江河日下之勢而俄國則愈辦愈多否則本年出口數目比上年必相去尤遠茶務

尚能支柱者賴有此耳中國茶葉美國仍專食之但所銷已不及往年之多蓋亦年減一年上年出口至美國者計四萬三千

...

一百九十六擔本年不過三萬一千一百二十擔廣東茶務幾已化為烏有本年出口數目不過一萬擔有奇上年尚有十二萬擔但比前年每百分中已減五十分而前年與九十二年比較又減一半矣俄商在長江各口所辦之茶以漢口所出最多前年以來出口數目大如而所加之數不在茶葉而在茶磚茶餅之類此項茶磚係漢口所製專備西伯利亞及蒙古等處販運此項貨物為中國土產中之最著名者古時西國以絲名中國年來有絲數種出口數目大增如用機器所織之絲上年僅出口五十萬擔本年如至三兆五十萬擔其中由上海出口最多本年該埠出口絲價計三十六兆兩上年亦三十一兆五寸兩現在上海所有絲織廠共計二十五家蘇杭本近出絲之處亦將次第開設絲廠茲將九十三年至九十五年中國出口各種絲數目分別列左

九十三年

九十四年

九十五年

生絲 四萬三千五百十四擔

二萬九千零四擔

三萬五千四百十六擔

黃絲 一萬二千二百十八擔

九千八百擔

一萬一千二百五十六擔

重絲 無

五千六百八十一擔

一萬三千六百十七擔

機絲 無

四千三百四十四擔

六千二百七十六擔

廣東出口絲雖不及上海之多為數亦屬不少該省地土本宜養蠶巴斯既收養病蠶之法中國現亦用之此法係辦總稅司由外洋見得傳授華人廣東稅司名泛雷閣者於冊報絲業時曾謂該口絲廠開設未經數月而於勸教土人收養病蠶及各種濯織之法已頗有成效可觀云云廣東本年出口絲數無甚上下惟生絲一項大有進境計出口二萬四千擔較上年之二萬計多四千擔機器絲該口本年係屬初辦計出口萬擔價值七兆五十萬兩

各項出口貨 上年棉花價雖漲僅出口一百兆磅本年轉出口一百二十兆磅此項棉花大半發往日本現在上海及各處陸續添設紗廠新來棉花銷路必愈加廣猪鬃運至西國獲利尚厚黃豆及豆餅自日本佔據牛庄後出口數目大減樟腦自臺灣交割以來亦覺減色狗皮羊皮出口頗多合價二兆六十四萬九千兩上年僅八十八萬一千兩海關年結冊報內曾論及之此項皮貨天津為出口總匯之區雞鴨毛出在重慶其出貨之多實屬無可限量上年出口四萬三千擔今加至六萬五千擔牛皮大都由漢口出口本年皮價雖大而出口數目不如上年之多中國牛皮出口總數減成賦是由赤糖減少白糖

冰糖加多汕頭本年出口各種糖計一兆五十萬擔較上年之一兆十萬擔計多四十萬擔此貨大半運至中國北邊沿海各